

NO. SOALAN: 51

**PEMBERITAHUAN PERTANYAAN
MESYUARAT KETIGA, PENGGAL KETIGA
PARLIMEN KETIGA BELAS (2015)
DEWAN RAKYAT**

PERTANYAAN : LISAN

TARIKH : 3 NOVEMBER 2015 [SELASA]

**DARIPADA : YB DATUK SERI PANGLIMA HAJI
ABDUL GHAPUR BIN HAJI SALLEH
[KALABAカン]**

SOALAN :

**Datuk Seri Panglima Haji Abdul Ghapur bin Haji Salleh [Kalabakan]
minta PERDANA MENTERI menyatakan :-**

- a) Secara terperinci sektor manakah pelaburan utama Lembaga Urusan Tabung Haji ; dan
- b) Berapa besar dan bagaimanakah prestasi pelaburan ini

JAWAPAN : (Y.B. MEJAR JENERAL DATO' SERI JAMIL KHIR BIN HAJI BAHAROM (B), MENTERI DI JABATAN PERDANA MENTERI)

Tuan Yang Dipertua,

- a) Untuk makluman Ahli Yang Berhormat, pelaburan yang dilakukan oleh Lembaga Tabung Haji (**TH**) adalah berdasarkan kepada alokasi aset strategik yang telah dikaji dan dipersetujui oleh Jemaah Lembaga Pengarah serta diluluskan oleh Yang Berhormat Menteri Di Jabatan Perdana Menteri pada 27 Ogos 2014. Alokasi aset strategik ini mengambil kira kadar pulangan yang ingin dicapai selaras dengan risiko pelaburan yang dilakukan.

TH sentiasa meneroka bidang-bidang pelaburan yang mampu menjana perolehan yang tinggi, mampan dan halal. Justeru itu, pada masa kini **TH** membuat pelaburan ke dalam empat sektor utama iaitu ekuiti, pendapatan tetap, harta tanah dan pasaran wang.

- b) Penyata kewangan tahun berakhir 2014 yang telah diaudit, aset dibawah pengurusan **TH** adalah berjumlah RM55.5 bilion dan pecahan pelaburan mengikut sektor tersebut adalah seperti berikut:
- Pelaburan Ekuiti (Tercatat dan Tidak Tercatat) 42.5%;
 - Sekuriti Pendapatan Tetap 26.9%;
 - Hartanah 10.0%; dan
 - Pasaran Wang 20.6%.

Bagi tahun kewangan 2014, pelaburan di dalam sektor-sektor yang dinyatakan tadi telah membolehkan **TH** mencatatkan prestasi yang memberangsangkan serta memperoleh keuntungan bersih sebanyak RM2.98 bilion dan telah memberi bonus sebanyak RM3.2 bilion kepada pendepositnya.

Sekian. Terima kasih.